

MØTEBOK

Kommune	Styre, råd, utval	Møtestad	Møtedato	Frå kl. 19.30 Til kl. 21.30
Aurland	fjellstyret	Fjordsenteret	13.4.21	

TIL STADES PÅ MØTET

Medlemar Sigurd Vikesland, Erling Nesbø, May Britt Martinsen, Tor Olav Kvam, Leif Turlid.

Vara-medlemar

Andre Håkon Øydvinn, Harald Skjerdal.

HANDSAMA SAKER

Sak nr./år
12/21, 13/21, 14/21, 15/21.

UNDERSKRIFTER

Vi stadfestar med våre underskrifter at blada i møteboka som vi har signert for er førde i samsvar med det som blei fastsett på møtet.

UTSKRIFTER

Hovudutskrift er sendt til
Fjellstyremedlemene og -varamedlemene, Aurland folkebibliotek.

MØTEBOK

Aurland fjellstyre

Møtedato: 13.4.21

Stad: Fjordsenteret

Sak 12/21. Referat og meldingar

Desse meldingssakene låg føre:

- 1) Møtebok fjellstyremøte 16. mars
- 2) 18. mars: Årsrapport 2020 for Hol fjelloppsyn
- 3) 24. mars: Nærøyfjorden verneområdestyre – Tiltaksmidler til steinmur i Nordheimsdalen
- 4) 8. april: E-post frå Brønnøysundregistra – samordna registermelding for Aurland fjellstyre er godkjend
- 5) 8. april: E-post frå NFS v/Andreas Aass med tilbod om utprøving av nytt system for timeføring og køyring for fjelloppsynet
- 6) 18.1.-12.4.21: Aurland kommune - gjevne løyve til transport med snøskuter der ruta går gjennom statsallmenning vinteren 2021
- 7) Oppmoding om ikkje å nytta seg av av transportløyve for skuter i områda der reinsflokken i Vestfjelli går no (send til tre av dei som har kommunale løyve til køyring med skuter).
- 8) 100-års fiskekort til Anne Berit Borlaug motteke frå Norges fjellstyresamband
- 9) 13. april: E-post frå Miljødirektoratet i samband med manglande betaling av faktura sendt SNO/Miljødirektoratet den 15.2.

Sak 13/21. Saker til årsmøtet i villreinutvalet for Nordfjella

Saklista og sakene til villreinutvalet sitt årsmøte den 14. april låg føre.

Handsaming i møtet:

Fjelstyret drøfta sakene til årsmøtet, utan at noko vedtak vart gjort.

Aurland, den 14.4.21

Utskrift til: Fjellstyremedlemene og
-varamedlemene,
Aurland folkebibliotek

MØTEBOK

Aurland fjellstyre

Møtedato: 13.4.21

Stad: Fjordsenteret

Sak 14/21. Oppsetjing av ny bru i Nordheimsdalen

Saksutgreiing låg føre.

Samrøystes vedtak:

Når naudsynt byggjeløyve frå kommunen ligg føre, set fjellstyret i gang med bygging av ny hengebru over elva nedst i Nordheimsdalen, i området ved sagi, i samsvar med føreliggjande plan, teikningar og materiallister. Brua vert finansiert m.a. med tilskot frå grunneigarfondet og eigne midlar. I fjellstyrebudsjettet vert post 7760 *Tiltak i allmenningen* auka med kr. 50.000 (frå 20.000 til 70.000) og post 3303 *Tilskot frå Grunneigarfondet* med kr. 35.000 (frå 15.000 til 50.000). Budsjettert årsresultat vert då endra til kr 0 (frå overskot på kr. 15.000).

Sak 15/21. Høyring: Miljø-, transport- og anleggsplan for ny 420 kV-line Aurland – Sogndal

Saksutgreiing låg føre. Planutkastet som er på høyring ligg på NVE si heimeside.

Samrøystes vedtak:

Fjellstyret ser det som positivt at Statnett legg fram ein miljø-, transport og anleggsplan for arbeidet med bygging av 420 kV-lina Aurland – Sogndal og rivinga av den gamle 300 kV-lina. Planen verkar godt gjennomarbeidd på mange område, men har nokre manglar:

- Omsynet til friluftliv, beiteinteresser, jakt og fiske er ikkje nemnt nokon stad – dette burde ha vore med. Omfattande anleggstrafikk og helikopterflyging tidleg i jaktperioden for hjort og elg (frå 1. september) vil vera særst uheldig.
- For verneområdet Bleia-Storebotnen er det særskilt nemnt at bruken av terrengkøyretøy skal vera så liten som mogleg – helikopter skal i stor grad nyttast under bygginga av mastene. Dette bør vera eit hovudprinsipp for heile linjeprosjektet, for å minimera opparbeidinga av varige køyrespor og sår i landskapet. Fjellstyret meiner at det bør takast inn i planen.

MØTEBOK

Aurland fjellstyre

Møtedato: 13.4.21

Stad: Fjordsenteret

- Villrein er tema i planen. Det er rett at villreinstamma for tida er vekke frå Nordfjella sone 1, men målsetjinga er at reetablering av stamma skal starta opp om nokre år, mykje truleg innanfor det som er berekna anleggsperiode for prosjektet. I perioden 2024-26, når den gamle kraftlina skal takast ned, vil det mykje truleg vera rein i området att. Då er det viktig at målsetjinga i planen vert følgt: «*Dersom det blir reintroduksjon av villrein i anleggsperioden, vil Statnett vurdere tiltak i samarbeid med villreinforvaltningen*»).
- Omsynet til kulturminne er nemnt fleire stader i planen. Det går fram av teksten at det er gjort registreringar i området. Inntrykket er at det verkar litt tilfeldig kva som er registrert. Det er t.d. ikkje teke kontakt med grunneigarar eller lokalt fjelloppsyn i forkant, for å få litt betre grunnlag for å gå ut og registrera. Fjelloppsynet til fjellstyret har i «alle år», meir eller mindre systematisk, kartfesta fangstminne som dyregraver, bogastillingar og hellerar som ein har kome over. Etter at GPS vart lansert, er ein del av det som først berre var avkryssa på kart vorte koordinatfesta. Det vil vera synd (og truleg ulovleg) dersom det nye anlegget skulle koma til å øydeleggja fleire slike fangstminne enn dei som gjekk tapt under bygginga av 300kV-lina på 1970-talet, då særleg ved oppkøyringa av spor for gravemaskin o.l. Kartskisse med nokre av dei dyregravene fjelloppsynet har registrert langs linjetrasèen, og som ikkje ligg inne som kulturminne på kartvedlegga til planen, vert lagde ved denne høyringsuttalen.

Aurland, den 14.4.21

Utskrift til: Fjellstyremedlemane og
-varamedlemane,
Aurland folkebibliotek
NVE